

FILIPINO

(Komunikasyon at Pananaliksik)
Ikalawang Markahan-Modyul 7:
Pagsusuri at Pagsulat ng Teksto
(Gamit ng Wika sa *Social Media*)




May-akda: Gladys P. Rafols
Tagaguhit: Paolo N. Tardecilla



City of Good Character
DISCIPLINE • GOOD TASTE • EXCELLENCE

PAG-AARI NG PAMAHALAAN
HINDI IPINAGBIBILI



Alamin

Ang modyul na ito ay binubuo lamang ng isang aralin.

Aralin - Pagsusuri at Pagsulat ng Teksto
(Gamit ng Wika sa *Social Media*)






Sa pag-aaral ng modyul na ito, inaasahang maisasagawa mo ang sumusunod:

- A. napagbabalik-aralan ang proseso ng simpleng pananaliksik/
pag-aaral gamit ang *social media*;
- B. nakapagsusuri ng mga tekstong nagpapakita ng iba't ibang sitwasyon
sa paggamit ng wika gamit ang *social media*; at
- C. nakasusulat ng tekstong nagpapakita ng iba't ibang sitwasyon ng
paggamit ng wika gamit ang *social media*



Subukin

Suriin ang mga *icon* ng midyang pangmadla sa ibaba. Ayon sa *Statcounter GlobalStats*, ang mga *platform* na ito ang may pinakamataas na bilang ng mga Pilipinong gumamit para sa buwan ng Agosoto 2020. Matutukoy mo ba kung ano ang tawag sa sumusunod na mga *icon* na ito?

				
84.3 %	4.43 %	4.41 %	4.24 %	1.65 %
_____	_____	_____	_____	_____

Aralin

Pagsusuri at Pagsulat ng Teksto (Gamit ng Wika sa *Social Media*)

Sa araling ito ay pag-aaralan mo ang pagsusuri at pagsulat ng mga tekstong nagpapakita ng iba't ibang sitwasyon ng paggamit ng wika gamit ang *social media*. Upang ito ay malinang, kailangan mong gawin nang matapat ang mga gawain.



Balikan

Mula sa iyong natutunan sa nagdaang pag-aaral sa pananaliksik, sabihin kung tama o mali sa mga pangungusap. Isulat ang iyong sagot sa patlang.

_____ 1. Sa pagpili ng paksa, hindi dapat limitahan ang mga konsepto upang makapagbigay ng mas marami pang katanungan.

_____ 2. Kapag natukoy na ang suliranin at lawak ng pananaliksik ay maaari nang itakda ang disenyo ng pag-aaral at kaukulang metodo kung paano matatamo ito.

_____ 3. Sa pangangalap ng datos, maging subhektibo dapat sa resulta ng pananaliksik.

_____ 4. Ang mananaliksik ay nagbibigay ng interpretasyon mula sa sariling tugon.

_____ 5. Pangunahing halaga ng mga pananaliksik ay upang maipakita ang kakayahan ng mananaliksik.



? Tuklasin

A. Panimula

Sinasabing ang wika ay napakahalagang instrumento sa pakikipag-ugnayan. Kaya naman, nais kong magbigay ka ng sariling kaisipan mula sa mga salitang nasa loob ng kahon. Sa huli ay pag-ugnayin ang mga salitang ito upang makabuo ng isang pahayag o diwa.

Wikang Filipino	Social Media	Akademikong Pag-aaral

B. Pagbasa

Ang Wika at Social Media sa Estudyanteng Pilipino

Isang click ka lang. Ito ang kasalukuyang sitwasyon ng mga mag-aaral sa modernong panahon pagdating sa paggamit ng media. Ang *social media* ay mga *website* at *application* na kailangan ng *internet* at kompyuter o anumang *gadget* gaya ng *tablet*, *cellphone* at iba pa. Malaki ang ginagampanan ng social media na ito sa kasalukuyang kalagayan ng mga mag-aaral. Nagiging daan upang makipagpalitan at makapagbahagi ng ideya, saloobin at mga interes gamit ang teksto, larawan o video. Ang mga halimbawa nito ay ang Facebook, Twitter, Instagram, Youtube at marami pang iba. Dulot ng maunlad na pakikipagkomunikasyon sa media, nagkakaroon rin ng pag-usbong sa paggamit ng wika sa *internet*. Ang katangian ng wika sa *social media* ay kadalasang impormal o personal. Nagkakaroon ng kaswal na pakikipag-usap upang mas maunuwaan ng mambabasa o manonood. Masasabi rin natin na dinamiko o pabago-bago ang mga wika na ito dahil sa pagsulpot ng mga nauusong salita at iba't ibang terminolohiya na makauugnay sa lahat. Marami rin ang nagsasabi na hindi mahalaga kung mali ang *grammar* basta ang mahalaga ay maipahayag ng tama ang ideya o damdamin.

Sa paggamit ang internet at social media, nagkakaroon ng panibagong paraan ng pagpapahayag ang mga tao. Nagagamit ang mga pahayag na ito bilang libangan, pang-edukasyon, para sa direksyon o pagbuo at marami pang bagay. Napakahalaga rin na nakakukuha ng mga kaalaman ang mga mag-aaral sa pinakamabilis na pamamaraan.



Isa ito sa kaibahan nila ngayon kaysa sa mga mag-aaral noon pagdating sa pag-access ng mga kaisipan, datos at impormasyon. Sa kabila ng mga positibong idinudulot nito sa mga mag-aaral, mayroong negatibong epekto rin. Hindi lahat ng mababasa o mapapanood sa *Internet* at *social media* ay totoo dahil nariyan rin ang mga tinatawag na *fake news*. Maaaring makaimpluwensya ang mga nababasa o napapanood kaya naman mahalaga na maituro sa mga mag-aaral na ito ang *digital literacy*. Ang *digital literacy* ay isang hakbang upang maituro ang tama at wastong paggamit ng makabagong teknolohiya sa pakikipagkomunikasyon. Magiging makapangyarihan ang isang wika kung ang tagapagpahayag ay responsable at may makabuluhan ang layunin. Mahalaga na maging maingat sa pag-unawa ng mga konsepto at paggamit ng wika sa *social media* sapagkat ito ang magiging repleksiyon ng ating pagkatao, ugali, gawi at kultura.

C. Pag-unawa sa Binasa

1. Ano ang *social media*?

2. Paano nakatutulong ang *social media* sa mga mag-aaral na Pilipino?

3. Ano-ano ang mga katangian ng wika sa internet at *social media*? Ipaliwanag.

4. May mga negatibong idinudulot ba ang *social media* sa mga mag-aaral? Bakit?

5. Ano ang nararapat gawin upang maging responsable sa pagpapahayag ang mga mag-aaral sa internet at *social media*? Ipaliwanag



Suriin

Ang paggamit ng wika sa *social media* ay magandang pagsasanay sa pagpapaunlad ng komunikasyon. Ngunit, kadalasan ay may mga pagkakataon na nagagamit ang mga salitang balbal o *slang*. Tandaan na ang balbal o *slang* ay hindi istandard na pamantayan sa paggamit wika kundi isa lamang ito sa barayti. Suriin ang sumusunod na mga negatibo at positibong kaisipan hinggil sa paggamit ng balbal at iba pang uri ng salita sa *social media*.



Mga Negatibong Kaisipan sa Paggamit ng Balbal o Slang sa Social Media:

1. Pagkakaroon ng iba't ibang interpretasyon sa mga salita.
2. Humihina ang kaalaman sa paggamit ng mga pormal na salita lalo na sa mga mag-aaral sa paaralan.
3. Nagiging suliranin ang tamang gamit ng gramatika lalo na sa pagsulat ng mga komposisyon o sulating pormal.
4. Nagdudulot ng *barrier* o hadlang sa pag-unawa ng mga nakatatanda sa mas batang henerasyon.

Mga Positibong Kaisipan sa Paggamit ng Balbal o Slang sa Social Media:

1. Mas madaling makapagpahayag ng saloobin kapag ginagamit ang mga sariling salita.
2. Nahuhubog ang pagkamalakhain sapagkat nakatutuklas ng mga bagong salita.
3. Dahil pinaikli ang ilang mga salita ay mas napapadali na lamang ang pakikipagkomunikasyon.

Katangian ng Wika sa Social Media:

1. Impormal at Personal – mas nakapanghihiikayat sa mga mambabasa o manonood kung ang wika na ginamit ay kaswal o magagaan na parang nakikipag-usap lamang sa kaharap.
2. Mas maikli – mainam na mas madaling naibibigay ang kaisipan o damdamin gamit ang mas pinaikling mga salita
3. Dinamiko o pabago-bago – may mga bagong salita o terminolohiya na magiging kapaki-pakinabang at magagamit sa pakikipagkomunikasyon.




Pagyamanin

Nabatid mong ang *social media* ay instrumento sa pagbabahagi ng saloobin at mga impormasyon. Sa tulong ng malayang pamamahayag ay nagagamit ang sariling wika upang maging madali ang pakikipag-ugnayan at komunikasyon. Suriin sa ibaba ang mga pahayag at ang mga wikang ginamit sa pagpapahayag. Isulat ang sariling pagsusuri sa loob ng kahon.

Pagsusuri:





Pagsusuri:



Pagsusuri:



Isaisip

Ang mga impormasyon na makukuha sa mga *blogs*, *videos* at *documents* mula sa iba't ibang *social networking sites* ay malaking tulong sa isang tao. Hindi na kakailanganin na magpunta sa silid-aklatan upang matapos ang takdang-aralin o upang magsagawa pananaliksik. Napapadali ang pagpasa ng mahahalagang *reports* o papeles. Napag-uugnay ang mga taong magkakalayo na nangangailangan ng komunikasyon. Masasabi nating malaking bagay ang naging kaibahan ng pagpasok ng modernong panahon na ito sa pakikipagkomunikasyon. Ano ang nagagawa ng *social media* na ito sa pag-unlad ng ating pambansang wika?

Ang *social media* ay mahalagang nagagamit sa pagbabahagi ng ating mga saloobin, kaisipan at pananaw. Sa tulong ng *facebook*, *twitter*, *blogs* at marami pang iba, nakapagpapahayag tayo gamit ang ating sariling wika. Malaking hamon para sa mga mag-aaral o kabataan ang wastong gamit ng wika upang maipakita ang pormalidad at maayos na gramatika ng mga salita. Bagamat may ilang pagsubok sa mga interpretasyon at pag-unawa, malaking bagay na magamit ang maayos na diwa sa pakikipagkomunikasyon. Ang aktibong paggamit ng wikang Filipino sa *social media* ay nakapagpapaunlad ng ating kultura, kaisipan at nakapagpapatibay ng ating identidad bilang mga Pilipino.






Isagawa

Ngayong alam mo na ang ilan sa mga sitwasyon ng wika at nasuri mo na rin ang iba't ibang kaisipan tungkol sa paggamit ng balbal o ibang barayti ng wika sa *social media*, gumawa ka ng sariling sarbey upang makuha ang opinyon ng iyong mga kaibigan, kapamilya at iba pa tungkol sa kanilang obserbasyon sa **gamit ng wika sa social media**. Gamitin ang talahanayan sa ibaba sa pagpresenta ng iyong impormal na sarbey. Pagkatapos ay magbigay ng sariling kongklusyon mula sa mga impormasyong nakuha.

Respondent #1	Respondent #2	Respondent #3	Respondent #4	Respondent #5
KONGKULSYON: <hr/> <hr/> <hr/> <hr/>				



Tayahin

Mula sa makabuluhang pagtalakay at pagsusuri sa wika at social media, sumulat ng isang sanaysay na nagpapahayag sa **KASALUKUYANG KALAGAYAN O SITWASYON NG WIKANG FILIPINO SA MGA KABATAAN**. Maaaring i-post ang pinakamahalagang kaisipan sa inyong mga *facebook account* upang makahingi ng opinyon mula sa iba. Ang mabubuong sanaysay ay mamarkahan batay sa sumusunod na pamantayan:

Pamantayan sa Pagmamarka

Panukatan	Deskripsyon	Puntos	Iskor
Nilalaman	Malinaw at wasto ang pagtalakay sa lahat ng aspekto at nakatugon sa layunin ng gawain.	10	




Paraan ng pagtalakay	Maayos ang paglalahad. May sistema at lohikal ang pagtalakay.	10	
Gramatika	Angkop ang mga ginamit na salita at walang kamaliang gramatikal.	5	
Pormat	Nakasunod sa pormat ng gawain	5	
Kabuoan		30	



Karagdagang Gawain

Para sa karagdagang kasanayan sa aralin na ito, gamitin ang *social media* at internet na may iba't ibang pahayag mula sa iba't ibang tao o grupo. Sumipi ng tatlong pahayag na ginagamitan ng wikang Filipino. Suriin ito batay sa paraan ng paggamit ng mga salita o pagbabahagi ng kaisipan o impormasyon. Gayahin ang pormat na makikita sa bahaging *Pagyamanin* ng modyul na ito. Mula sa mga pagsusuri ay bumuo ng isang kongklusyon na iyong natutuhan na maaaring ibahagi sa inyong *facebook account* o *instagram*.



Susi ng Pagwawasto

- A. Sagot sa “Subukin”
1. Facebook
 2. Youtube
 3. Twitter
 4. Pinterest
 5. Instagram
- B. Sagot sa “Balikan”
1. Mali
 2. Tama
 3. Mali
 4. Mali
 5. Mali



Sanggunian

<https://www.smartparenting.com.ph/parenting/tweens-teens/epekto-ng-social-media-sa-teenagers-a1892-20200105-lfrm>



Bumubuo sa Pagsusulat ng Modyul

Manunulat: Gladys P. Rafols (Guro, FHS)

Mga Editor: Christian Paul I. Camposano (Guro, CISSL)
Romeo A. Pilongo (Guro, SEHS)

Tagasuri- Panloob: Galcoso C. Alburo (EPS, Filipino)

Tagasuri Panlabas:

Tagaguhit: Paolo N. Tardecilla (Guro, KNHS)

Tagalapat:

Tagapamahala:

Sheryll T. Gayola

Pangalawang Tagapamanihala
Pinunong Nanunuparan - Tanggapan ng Tagapamanihala

Elisa O. Cerveza

Hepe – Curriculum Implementation Division
Pinunong Nanunuparan - Tanggapan ng Pangalawang
Tagapamanihala

Galcoso C. Alburo

Superbisor sa Filipino

Ivy Coney A. Gamatero

Superbisor sa LRMS

Para sa mga katanungan o puna, sumulat o tumawag sa:

Schools Division Office- Marikina City

Email Address: sdo.marikina@deped.gov.ph

191 Shoe Ave., Sta. Elena, Marikina City, 1800, Philippines

Telefax: (02) 682-2472 / 682-3989



City of Good Character
DISCIPLINE • GOOD TASTE • EXCELLENCE